

No. 440. 1469. 30. Dec.

Der Rath überlässt dem Handwerk der Wolleweber gegen Abtretung des Hauses über dem Loche eine Abtheilung des Wagegebäudes.

Wir nachgeschriben Hanns Trupitz die zeit burgermeister, Thile Hertwigk, Hans Schlautitz, Hans Pantzschman, Benedict Moller, Ludwig Schiban, Conrardt Funck, Hans Konigk, Nickell Wolff, Augstin Schultz vnd Hans Feuchtwanger geschworne radtmann der stadt Leiptzck bekennen —. Nachdem die ersamen meister deß handtwergs der wolleweber bey vns in vnser stadt mit eyntrechtiglicher vorwilligung, auch auß wolbedachtem freyen muthe vnd redlicher vornunfft vns vnd vnser stadt vnd gemeyne das hauß vber dem loche gelegen^{a)}, das denn die genanten meister vnd handtwerg der wolleweber lange zeit vnd jahr in yrer besitzung vnd gewehr gehapt haben, vmb den vntersten söller, der vber die vnterste trinckstube vnd vber die wage gehet deß houses vber dem radtskeller^{b)}, inmassen sie das itzunt innehaben vnd hinfurder ewiglich fur sich vnd yre nachkommen innehaben sollen, gewechselt vnd gegeben haben, solchs vntersten söllers desselbigen houses denn die genanten meister der wolleweber vor sich vnd alle yre nachkommen gebrauchen mogen vnd sollen nach aller yrer notturfft, also das sie yr gewandt vnd tuch, das sie selbst machen, doruff alle marckttage vnd auch sonst alletzeit so yne das fugsam ist feyl haben, auch yr gewandt doruff dene, die das von yne bey der elen kauffen wollen, schneiden mogen, das wir yne dann sonderlich zugesagt haben, doran sie dann nymant irren noch vorhindern sal. Wir vnd vnser nachkommen sollen vnd wollen sie auch dorbey festiglich handthaben vnd schutzen nach alle vnser vormoge, das sie solche yre gerechtikeit an dem genanten söller deß obgenanten houses haben vnd behalten sollen mitsampt solcher freiheit, das sie zu dem schniete mit yren tuchen doruff stehen mogen, das dann also die andern zwene rethe mit vns voljhawortt vnd gewilliget haben, also doch das die genanten meister der wolleweber vns vnd vnsern nachkommen in solch hauß, so sie vns douor geben vnd eyntrechtiglich vorwechselt haben, keynerley insprache wider durch sich noch yre nachkommen nicht thun sollen, sondern solch hauß sal deß radts zu ewigen zeitten sein vnd bleyben, als sie sich dann deß vor vns williglich vbergeben vnd vortziegen haben; deßgleichen sal der söller deß handtwergs zu ewigen zeitten auch widerumb bleyben. Es ist auch in besonderheit dorbey beredt vnd von vns obgenanten burgermeister vnd radtmann in beywesen der andern zweyer rethe vorwilliget wurden, was in zukonfftigen zeitten an dem hause der wolleweber söller zubawen nodt sein vnd thun wurde, das wir vnd vnser nachkommen solch gebeude vff vnser selbst kost vnd lohn thun sollen vnd dem handtwerge fertigen lassen. Vnd deß zu mehrer sicherheit, auch stetter vnd vehster haltung aller obengeschriben stuck punct vnd artickell haben wir obgenanten burgermeister vnd radtmann vor vns vnd vnser nachkommen

a) Ueber dieses Haus vgl. die Bemerkung z. No. 34. b) Die s. g. „alte Rathswaage“, Markt No. 4. Vgl. Vogel Leipz. Chron. S. 165.